



Broj: UP-I-KSI-09-08/22  
Datum: 29.09.2022. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane E. P. na 32 sjednici održanoj dana 29.09.2022. godine, donijela je sljedeće

## RJEŠENJE

1. **UTVRĐUJE SE** da je E. P., zamjenik direktora za tehničke poslove JP „Luka Brčko“ d.o.o. Brčko distrikt BiH, kao nosilac javne funkcije postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, na način što u roku od 30 dana od dana stupanja na javnu funkciju, Komisiji za odlučivanje o sukobu interesa nije podnio izvještaj o imovinskom stanju nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, E. P. se shodno odredbama člana 43. Zakona o sprečavanju sukoba interesa u institucijama Brčko distrikta Bosne i Hercegovine, izriče opomena.

### Образложење

Komisija je po službenoj dužnosti Zaključkom broj: UP-I- KSI-09-08/22 od 16.08.2022. godine, pokrenula postupak protiv E.P., nosioca javne funkcije, jer je uočila da postoji osnovana sumnja da isti nije dostavio Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, čime je postupio protivno odredbama iz člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine (u daljem tekstu: Zakon), te imenovanog pozvala na izjašnjenje o datim navodima.

Uvidom u Odluku Upravnog odbora o imenovanju zamjenika direktora za tehničke poslove JP „Luka Brčko“ Brčko distrikt BiH broj: 103/22 od 26.01.2022 godine, utvrđeno je da je E. P. imenovan za zamjenika direktora za tehničke poslove JP „Luka Brčko“ d.o.o. Brčko distrikt BiH, nakon potpisivanja Ugovora o radu.

Uvidom u Aneks I- Obrazac o javnoj funkciji i nosiocu javne funkcije, koji je JP „Luka Brčko“ d.o.o., Brčko distrikt BiH dostavila Komisiji za odlučivanje o sukobu interesa dana 18.02.2022. godine za E. P. kao zamjenika direktora za tehničke poslove JP „Luka Brčko“ d.o.o. Brčko distrikt BiH, utvrđeno je da je E. P. kao zamjenik direktora za tehničke poslove JP „Luka Brčko“ d.o.o. Brčko distrikt BiH stupio na javnu funkciju 14.02.2022. godine.

Provjerom službene evidencije, odnosno Registra javnih funkcija i nosilaca javnih funkcija, kao i Registra imovine, podnesenih izvještaja, utvrđeno je da E. P. do dana donošenja zaključka, odnosno 16.08.2022. godine nije podnio Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, odnosno propustio je da u roku od 30 dana od dana stupanja na javnu funkciju podnese Komisiji Izvještaj o imovinskom stanju.

Nakon prijema Zaključka o pokretanju postupka od 16.08.2022. godine, zaprimljen 25.08.2022. godine, E. P., zamjenik direktora za tehničke poslove JP „Luka Brčko“ d.o.o. Brčko distrikt BiH, kao nosilac javne funkcije je dana 30.08.2022. godine dostavio Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, te je postupio shodno Zaključku Komisije i otklonio razloge i okolnosti koji su ga doveli do kršenja odredaba Zakona.

Član 19. stav (1) Zakona, propisuje da je nosilac javne funkcije dužan u roku od 30 dana od dana stupanja na javnu funkciju podnijeti Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, a prema stanju na dan kada je izabran, odnosno imenovan.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama člana 19. navedenog Zakona.

Primjenom navedenih zakonskih odredbi na utvrđeno činjenično stanje, ocijenjeno je u konkretnom slučaju da postoji povreda Zakona, s obzirom na to da je E. P., kao nosilac javne funkcije, propustio da u roku od 30 dana od dana stupanja na javnu funkciju zamjenika direktora za tehničke poslove JP „Luka Brčko“ d.o.o. Brčko distrikt BiH, podnese Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, čime je postupio protivno gore navedenim zakonskim odredbama.

Prilikom odlučivanja o vrsti sankcije, koju treba izreći, Komisija je shodno članu 43. Zakona, vodeći računa o težini povrede Zakona i posljedicama povrede Zakona, te činjenici da je E. P., nosilac javne funkcije, odmah po prijemu Zaključka podnio Izvještaj o imovinskom stanju, te se prema njegovom postupanju i odgovornosti, ličnosti nosioca javne funkcije, odnosu imenovanog prema kršenju odredaba Zakona kao i opredijeljenosti imenovanog da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici radi o očito lakom obliku kršenja odredbi Zakona, koje nisu nanijele štetu integritetu javne funkcije koju E. P. obavlja, pa je Komisija stava da izrečena opomena odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno odredbama člana 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

**POUKA O PRAVNOM LIJEKU:**

Saglasno odredbama člana 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik  
Komisije za odlučivanje o sukobu interesa

---

Admira Mujić, dipl. pravnik

**Dostavljeno:**

1. E. P., Brčko
2. Internet stranici Komisije,
3. Evidenciji i
4. Arhivi.